



**Fama Postvma Praesvlvm Antverpiensivm**

**Hugo, Hermann**

**Antverpiae, 1611**

Lævino Bellorum ciuilium Auerrunco sex laureas consecramus.

---

[urn:nbn:de:hbz:466:1-69073](#)

Ioannes Austriacus; inde confederata Bel-  
gicæ stabant capita, cùm veluti ad salutem  
natus Belgarum TORRENTIVS, adulta iam  
odia vtrimeque mitigauit, quare

LÆVINO  
Bellorum ciuilium Auerruncō  
sex laureas consecramus.

**Q**uis consanguineo nigrantia stagna cruento  
Belgiadūm, tepido quis pingues sanguine cāpos  
Nescit, & alternis exhaustas mortibus urbes?  
Exitium cùm mœsta timens, & fessa cruentis  
Stragibus, ad celsas LÆVINI Belgica sedes  
Tenderet, infaustis iam consulta ruinis;  
Non solito vultu, fulvo nec blandior auro,  
Frontem tristè rigens, sparsosq;ue inculta capillos,  
Et stantes laniata sinu: sedet intus abactis  
Squalida lux oculis; mœstis vix ægra lacertis.  
Erosum gestat clypeum: rubigine tela  
Squallent, & nigris desunt mucronibus iræ:  
Mox singultatas effundens pectore voces,  
Ruetabat misero tales de corde querelas:  
Cernis ut assiduo Martis lacerata furore,  
TORRENTI, in diuersa ferar: velut alnus in undis,  
Quam fera tempestas, laxisq;ue emissâ cauernis  
Hippotade furibunda cohors, & fulmina torquent,  
Fluctuat, immensum tandem potura profundum.  
Nec tamen, heu, nostris externum ascribimus hostem  
Vulneribus; proprio lacerantur pectora ferro,  
Perfi-

Perfidaque in miseram consurgunt viscera matrem.  
 Non secus ac rabidis discordi in pectore membris,  
 Et capiti tergum, manibusque aduersa repugnant  
 Brachia, & in trepidum coniurent lumina pectus,  
 Dissideant ori nares & naribus alius,  
 Decertent genibusque pedes & pectora dorso.  
 Aspice terrificis iaceant quot mœnia flammis,  
 Aspice quas Scaldis cedes, quæ funera voluat,  
 Assiduo gladiis nigroque adopertus aceruo:  
 Hic scissi rapidis miscentur fluctibus artus,  
 Oraque & abrupta sociantur pectore dextra.  
 Ipse coloratis Nereus excussus ab antris  
 Mutatis horrescit aquis, cumuloque cadentum  
 Staret, ni tumidus stimularet corpora sanguis.  
 Aspice quam sauo flagret Anuersa tumultu:  
 Hic iuuat, heu, matrum plenis adfringere natos  
 Vberibus, gladioque omnes iuuat ire per annos.  
 Teucria nec tanto feruebant mœnia motu,  
 Cum quondam eratos sopita in Pergama fætus  
 Ferreus effudit sonipes, atque abdita costis  
 Gracia ferratis erupit perfida membris.  
 Cetera quid memorem? centena volumina nostras  
 Vix capiant clades. viden, ut mare, terra minetur?  
 Ut tumidos in castra mouet metuendus Iberos  
 Austriacus? mœstis ut diruat omnia flammis?  
 Quem precer, aut quid agam? quo pallida lumina  
 vertam?  
 In te iam spes una manet; succurre ruenti,  
 Eripe me tandem, feralibus eripe bellis,  
 Ne natis sim præda meis: ne pectore fæto  
 Ut serpens fecunda cadam; ne viscera noto  
 Rimentur ferro, ne me meus occupet ensis.  
 Tu rabidos inflecte Duces, ac pace sequestrâ

Cons-



Comprime ferales tandem LÆVINE tumultus;  
 Comprime, & extinctis sana mea pectora bellis.  
 Iret adhuc in verba dolor, ni maximus alto  
 LÆVINVS tales prompsisset pectore voces:  
 Surge precor veneranda parens, humilemque ruine  
 Pone metum; namque Austriaci furibunda tenebo  
 Corda ducis, flectamque minas & noxia belli  
 Funera, & admotâ sanabo vulnera dextrâ.  
 Dixit, & ad celsas magni se contulit edes  
 Austriaci: patrios gemitus, saeuusque tumultus  
 Asperat, & tanti pandit incendia belli,  
 Hortaturque ferum sub foedera cogere Martem,  
 Et patriam, redditusque monet, nec indicat aquum  
 Et populum & Reges tantis absumere bellis.  
 Austriaco vox grata duci, Martisque remissus  
 Dignatur consulta furor: firmataque belli  
 Foedera mactat & constringunt sanguine porca.  
 Sic rigidi fera corda ducis rabiemque Gradiui  
 Edomuit, veluti qui formidanda ferarum  
 Pectora constringit, mersaque in sanguine cogit  
 Reddere ab ore manus, truncisq. immergere plantas  
 Denegat, & victi terga absorbere iuuenci.

Gaspar Geuartius.

LÆVINOT RENT IO  
 PACIS  
 cum IOANNE AVTRSIACO initæ  
 Persuasori.

**Q**VAS grates LÆVINE tibi, quæ debita reddam  
 Praemia? quæ merces valeat pro talibus ausis,  
Pro